

PM Bakal Lancar PR1MA Kuantan Esok

mStarOnline

22 Mac, 2013

Oleh WONG PEK MEI

PETALING JAYA: Perdana Menteri Datuk Seri Najib Tun Razak akan melancarkan projek Perumahan Rakyat 1Malaysia (PR1MA) Kuantan pada Sabtu dalam usaha menyediakan rumah mampu milik untuk golongan berpendapatan sederhana.

Ketua Pegawai Eksekutif PR1MA, Datuk Abdul Mutalib Alias berkata, projek tersebut merupakan sebuah pembangunan bersepadu bagi menampung keperluan perumahan rakyat merentasi tiga kawasan utama di Kuantan iaitu Bandar Kuantan, Indera Mahkota dan Paya Besar.

"Permintaan untuk rumah mampu milik di kalangan golongan berpendapatan sederhana di Kuantan adalah antara lima kawasan terkemuka selain Kuching dan Kota Kinabalu," katanya.

Beliau berkata, permintaan di negeri itu menunjukkan peningkatan seiring dengan perkembangan industri petrokimia di Gebeng, industri automatif di Pekan dan bandar Kuantan yang semakin membangun.

PR1MA Kuantan merangkumi perumahan teres dua tingkat dan pangsapuri.

Butiran lanjut mengenai perkara itu termasuk bilangan rumah akan diumumkan pada Sabtu.

Hakcipta Terpelihara © 1995-2013 Star Publications (Malaysia) Bhd

Source:

http://mstar.com.my/berita/cerita.asp?file=/2013/3/22/mstar_berita/20130322130402&sec=mstar_berita